

Hawm txog cov tsev neeg,

Cov niam txiv thiab cov neeg zov menyuam uas yuav thauj tus menyuam mus rau tom tsev kawm ntawv muaj txoj hauj lwm tseem ceeb uas yuav saib xyuas kom muaj kev thaj yeeb nyob ze rau ntawm peb cov tsev kawm ntawv. Tsis hais koj yuav thauj koj tus menyuam tas mus li los nyob nyob ib zaug xwb, mus rau tom tsev kawm ntawv, thov saib tej kev qhia txog kev thaj yeeb thiab cov kev cai.

Nws yog ib qho uas yuav thaj yeeb tshaj rau txhua leej thaum uas muab cov tsheb cais ntawm cov npav daj. Peb lub tsev kawm ntawv qhov chaw xa tuaj tso thiab rov tuaj tos yog nyob rau ntawm:

Ntxiv rau peb tej kev ua ntawm peb lub tsev kawm ntawv txoj kev xa tuaj tso thiab rov tuaj tos, cov neeg tsav tsheb yuav tsum:

- Maj mam ntawm ib ncig ntawm lub tsev kawm ntawv, txhawm hais tias yus lig lawm los tsis txhob maj. Saib cov menyuam taug kev thiab caij tsheb kaujvab (ntawm ob sab kev tib si), los yog ntawm qhov chaw tos npav.
- Tsis txhob nres tsheb sib thaiv los yog tsis txhob nres ntawm qhov chaw hla kev es cia menyuam tawm hauv tsheb los mus. Nres tsheb sib thaiv yuav ua rau lwm tus menyuam tsis pom tsheb los yog ua rau lwm tus neeg tsav tsheb tsis pom cov menyuam. Qhov pom mus deb ntawm yuav luv zog thaum lub caij ntuj los nag thiab lub caij ntuj los snow uas thaum muaj dej los yog muaj ice nyob rau ntawm daim iav lauv.
- Tsis txhob cia menyuam nqis thiab nce tsheb rau ib qhov chaw uas yuav tsum tau hlaw kev es thiaj txog ntawm lub tsev kawm ntawv. Qhov no yuav ua rau cov menyuam hlaw txoj kev uas muaj muaj tsheb khiav – feem ntau lawv hlaw ntawm ib nrab kev tsis yog ntawm qhov chaw hla kev. Hla kev ntawm ib nrab kev nws yog qho phom sij heev.
- Ua raws li tsev kawm ntawv cov patrol chij qhia. Nws yog ib qho yuam cai uas tsis ua li tsev kawm cov patrol chij thaum tsav tsheb hlaw lawv.
- Tsav tsheb ua zoo siab. Tsis txhob ua U-turn. Tsis txhob mus nres tsheb rau sab yuam kev.
- Npaj nres tsheb thaum uas lub **npav daj lub teeb daj ntsai ntsai** lawm. Tsav tsheb ceev fab thaum koj pom lub teeb daj ntsais ntsais ntawm lub npav uas nres los yog tseem khiav.
- Nres tsheb thaum uas lub npav daj **cov teeb liab ntawd ntsais ntsais**, tsis hais kuv yuav khiav tig sab twg li. Cov tsheb yuav tsum tsis pub khiav kom txog thaum lub npav daj ntawd twb pib rov khiav dua lawm thiab thaum cov teeb liab ntawd tsis ntsais lawm, los yog txog thaum uas tus nais tsav lub npav daj ntawd co tes kom mus thiaj mus tau. Qhov no yog txoj cai.
- Xav rau qhov nres tsheb ib nyuag deb zog ntawm tsev kawm ntawv thiab nrog koj tus menyuam taug ko taw los rau ntawm tsev kawm ntawv. Taug kev li ib ob nyuag ncuu kev xwb nws tseem siv sij hawm luv tshaj koj xav, thiab nws ua rau tsis muaj neeg coob coob uake ze ntawm lub tsev kawm ntawv, qhov no ua rau nws muaj kev thaj yeeb zog.
- Ua raws li teb kev tsis pub nres tsheb. Ua raws li txoj cai nre tsheb ze ntawm kev sib tshuam. Ua raws li txog kev nres tsheb uas kom pom tseeb rau ntawm kev sib tshuam, ua qhov kev hla kev ntawd muaj kev thaj yeeb rau cov neeg taug kev, caij tsheb kaujvab thiab cov tsheb. Nroog Minneapolis kev txwv tsis pub nres tsheb uas tsis muaj kev qhia rau ntawm ntug kev nyob rau nraum qab ntawm daim ntawv no.

Ua tsaug rau koj, cov tsev neeg, rau nej tej kev saib zoo kom muaj kev thaj yeeb rau cov menyuam mus thiab los rau ntawm tsev kawm ntawv.

Zoo siab ntau,

Nroog Minneapolis kev txwv tsis pub nres tsheb uas tsis muaj kev qhia rau ntawm ntug kev nyob

Ntau qhov kev cai qhia nres tsheb muaj paib qhia nyob rau ntawm ntug kev hais txog kev tsis pub nres. Tabsis, tej co kev cai tsis tas yuav kom lo paib rau ntawm ntug kev li. Tej kev cai hais txog kev thaj yeeb nyob rau hauv lub nroog. Yuav kom lo paib rau tag nrho tej chaw no yuav ua tsis tau. Cov tsheb uas nres tau yuam cai ntawm cov cai no ua rau muaj kev phom sij cov tsheb yuav mus hla los cov neeg yuav mus hla tej ntu kev no. Feem ntaum cov cai nres tsheb no muaj xws li:

Ze rau ntawm kev sib tshuam

Nres ze heev rau ntawm daim paib stop los yog teeb – Tsheb yuav tsum tsis pub nres ze tshaj 30 feet ntawm daim paib stop los yog teeb yog hais tias tsis muaj tus parking meter los yog lwm yam kev qhia.



Thaiv qhov kev tsav tsheb nce mus saum tsev (driveway) – tsis pub nres tsheb ze tshaj li 5 feet ntawm ib qho private road, driveway, los yog alley.

Thaiv lub fire hydrant – Yuav tsum tsis pub tsheb nres ze tshaj li ntawm 10 feet ntawm lub fire hydrant, tsuav yog thaum uas tsheb sib zam kev xwb los yog yuav tsum tau ua raws li tub ceeb xwm hais xwb.

Ntawm tsheb ciav hlau hlav (Railroad Crossing) – tsis pub tsheb nres ze tshaj li ntawm 50 feet ntawm kev tsheb ciav hlau.

Saum txoj kev taug ko taw (On a sidewalk) – Tsis pub tsheb mus los yog nres saum txoj kev taug ko taw, ntawm chaw hla kev los ntawm boulevards.

Cov cai no ua kom cov neeg tsav tsheb tsis txhob nres los yog muab lawv lub tsheb tso tseg uas yuav tsim kev phom sij rau lwm tus neeg tsav tsheb los cov neeg taug kev.



Tsab ntawv no muab tej kev qhia los ntawm:

http://apps.saferoutesinfo.org/lawenforcement/resources/driving_tips.cfm

http://www.minneapolismn.gov/parking/parking_unsigned-parking-restrictions